



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XIII. Dixit insipiens in corde suo.

urn:nbn:de:hbz:466:1-44993

- Quem negligendi, vt iam negato
Me videas recreesque vultu?
3. Quem vel laboris consilij &, meum
Quis nocte feruens pectus inæstuat?
Exercet aut quæ cor perennes
Anxietas, agitatque soles?
- Quisve insolenti finis erit, meum
Instanti & hosti vt comminuat caput?
4. Auditor aduerte, atque vindex
Excipe iam famuli querelam:
Nostrisque lucem luminibus tuam
Præbe, sopore vt non moriar grauis.
3. Neu iactet hostis prævalentem
Se mihi, neu sua gesta cantet.
Namque inuidorum turba laboribus
Gaudebit amens (si mouear) meis:
4. Ast ipse nostrum in te tuoque
Munere præsidium locauit.
Compos salutis, spero, breui tuæ
Gaudebit altis visceribus meum
Cor, & dicatis semper I A M
Carminibus referam benignum.

PSALMVS XIII.

Dixit insipiens in corde suo.

HUMANI GENERIS
DEGENERATIO.

1. Ad præstantem, Dauidis.
Ode Tricolos Tetraſtrophos.
- D**emens corde ferox sic statuit suo,
Nullus nam est homines qui videat deus;
Hinc corruptio morum,
Hinc nullum studium boni.
2. IAS æthereis arcibus & genus
Obseruans hominum, quis sapiat, DEVM;
Quis curæve, colatve,
Quærit cognitor optimus.
3. Defecere simul, turbaque perdita est
Omnis; nec studio qui calcet boni,
Vnum comperias, vel
Cuius facta Deus probet.
4. An non artifices fraudis, & impij
Norunt, quid referam? qui populum meum

- Escarum instar habent, nec
 IAM vel memores vocant.
 5 Illic ista tremor pectora concutit,
 Iudex fertur vbi, creditur & Deus,
 Iustæ sæcula gentis
 Qui certus probet ac regat.
 6 Turbetis miseri consilium pium
 IAM qui posuit præsidium sibi?
 7 Quisnam ex arce Sionis
 Israelis amabilem
 Rebus præstet opem, quis properet citam?
 IAS cum populi restituet sui
 Res, gaudebit Iacob,
 Fiet latus & Israel.

P S A L M V S X V.

Domine quis habitabit in tabernaculo tuo.

HVMANVM OFFICIVM DIVINVM Q.
 BENEFICIVM.

Psalmus Davidis.

Ode Dicolos Distrophos.

- I**AS receptus quis sub alta culmina
 Umbræ morabitur tuæ?
 Quis monte cuius numini sacro tuo
 Sedes habebit conditas?
 2 Qui rectus arcta semper incedit via,
 Et iura fasque percolit:
 3 Qui corde puro vera semper cogitat,
 Linguaque profert simplici;
 Afferre cuiquam incommoda expers, inscius
 Quemquam probris lacefcere:
 4 Vilesque curas, vana quæque cognita,
 Fastidiosè reijcit.
 Miratur idem culta quos probat fides,
 IAE que deducit timor.
 Iuratus, & si damna deprendat sua,
 Non deterit fratrem tamen.
 5 Ipse innocentem commodat pecuniam,
 Nec auget villo scenore;
 Vt immerentem fraude pertentet virum
 Nullo domandus munere.
 Hæc qui peregit, rectus incedit, neque
 Labetur villo sæculo.

PSAL.